


Конституция — эркин ва фаровон ҳаёт гарови

1992 йил 8 декабрь




Тошкент 2024

**Қонун ва адолат
устуворлигини таъминлаш –
Янги Ўзбекистонни барпо
этишининг энг муҳим
шартидир.**



Ўзбекистон Республикаси
Конституциясининг янги
тахрири **1 майдан** кучга
кирди.

Ўзбекистон Республикаси
Конституцияси **6 бўлим, 27
боб ва 155 та** моддадан
иборат.



Ўзбекистон Республикаси Конституцияси
мамлакатнинг бутун ҳудудида
олий юридик кучга эга,
тўғридан-тўғри амал
қилади ва ягона ҳуқуқий
маконнинг асосини
ташкил қилади


15-модда



Ўзбекистон Республикаси Конституцияси
мамлакатнинг бутун ҳудудида олий
юридик кучга эга, тўғридан-тўғри амал
қилади ва ягона ҳуқуқий маконнинг
асосини ташкил қилади

15-модда






Ўзбекистон Республикасининг халқаро шартномалари
халқаро ҳуқуқнинг умумэътироф этилган принцип
ва нормалари билан бир қаторда Ўзбекистон Республикаси
ҳуқуқий тизимининг таркибий қисмидир.
Агар Ўзбекистон Республикасининг халқаро шартномасида
Ўзбекистон Республикасининг қонунида назарда тутилганидан
бошқача қоидалар белгиланган бўлса, Ўзбекистон
Республикасининг халқаро шартномаси қоидалари қўлланилади

15-модда

Инсон ҳуқуқ ва эркинликлари ҳар
кимга туғилганидан бошлаб
тегишли бўлади


19-модда





Ўзбекистон Республикасида инсоннинг ҳуқуқ
ва эркинликлари халқаро ҳуқуқнинг умумэътироф
этилган нормаларига биноан ҳамда ушбу Конституцияга
мувофиқ эътироф этилади ва кафолатланади. Инсон
ҳуқуқ ва эркинликлари ҳар кимга туғилганидан
бошлаб тегишли бўлади

19-модда



*Ҳар бир инсон ўз шахсини
эркин камол топтириш ҳуқуқига эга*

21-модда

Ҳеч кимга унинг розилигисиз
қонунчиликда белгиланмаган
мажбурият юклатилиши
мумкин эмас

21-модда



Ўзбекистон Республикаси
фуқароси Ўзбекистондан
ташқарига мажбурий
чиқариб юборилиши
ёки бошқа давлатга бериб
юборилиши мумкин эмас


23-модда



Давлат хорижда яшаётган ватандошлар
билан алоқаларни сақлаб қолиш ҳамда
ривожлантириш тўғрисида халқаро
ҳуқуқ нормаларига мувофиқ
ғамхўрлик қилади

23-модда





Ўзбекистон Республикасида ўлим жазоси тақиқланади

25-модда

Шахсни ушлаш чоғида
унга тушунарли тилда
унинг ҳуқуқлари ва ушлаб
туриш асослари
тушунтирилиши шарт


27-модда



Шахс суднинг қарорисиз қирқ саккиз соатдан ортиқ муддат ушлаб турилиши мумкин эмас. Шахс ушлаб турилган пайдан эътиборан қирқ саккиз соат ўтгунига қадар судга ушлаб туришнинг қонунийлиги ва асослилиги тўғрисидаги масалани ҳал қилиш учун олиб борилиши керак. Агар ушлаб туришнинг қонунийлиги ва асослилиги судда исботланмаса, шахс дарҳол озод қилиниши керак


27-модда






*Ҳеч ким қонунга асосланмаган ҳолда ҳибсга
олиниши, ушлаб турилиши, қамоққа олиниши,
қамоқда сақланиши ёки унинг озодлиги бошқача
тарзда чекланиши мумкин эмас. Ҳибсга олишга,
қамоққа олишга ва қамоқда сақлашга фақат суднинг
қарорига кўра йўл қўйилади*

27-модда



Гумон қилинувчи, айбланувчи ёки судланувчи ўзининг айбсизлигини исботлаши шарт эмас ва исталган вақтда сукут сақлаш ҳуқуқидан фойдаланиши мумкин

28-модда



*Айбдорликка оид барча шубҳалар, агар уларни
бартараф этиш имкониятлари тугаган бўлса, гумон
қилинувчининг, айбланувчининг, судланувчининг ёки
маҳкумнинг фойдасига ҳал қилиниши керак*

28-модда

Агар шахснинг ўз айбини тан олганлиги
унга қарши ягона далил бўлса,
у айбдор деб топилиши
ёки жазога тортилиши
мумкин эмас

28-модда



Ҳеч ким ўзига ва яқин қариндошларига
қарши гувоҳлик беришга
мажбур эмас

28-модда



Ҳар бир шахс жиноят процессининг ҳар қандай босқичида, шахс ушланганида эса унинг ҳаракатланиш эркинлиги ҳуқуқи амалда чекланган пайтдан эътиборан ўз танловига кўра адвокат ёрдамидан фойдаланиш ҳуқуқига эга

29-модда



Ҳар кимга малакали
юридик ёрдам олиш
ҳуқуқи кафолатланади

29-модда



Ҳар ким ёзишмалари, телефон орқали
сўзлашувлари, почта, электрон
ва бошқа хабарлари сир сақланиши
ҳуқуқига эга. Ушбу ҳуқуқнинг
чекланишига фақат қонунга
мувофиқ ва суднинг қарорига
асосан йўл қўйилади


31-модда



Ҳар ким ўз шахсига доир маълумотларнинг ҳимоя қилиниши ҳуқуқига, шунингдек нотўғри маълумотларнинг тузатилишини, ўзи тўғрисида қонунга ҳилоф йўл билан тўпланган ёки ҳуқуқий асосларга эга бўлмай қолган маълумотларнинг йўқ қилинишини талаб қилиш ҳуқуқига эга

31-модда





Қонуний асосларда Ўзбекистон Республикаси ҳудудида бўлиб турган ҳар ким мамлакат бўйлаб эркин ҳаракатланиш, турар ва яшаш жойини танлаш ҳуқуқига эга, бундан қонунда белгиланган чекловлар мустасно.

Ҳар ким Ўзбекистондан ташқарига эркин чиқиш ҳуқуқига эга, бундан қонунда белгиланган чекловлар мустасно. Ўзбекистон Республикаси фуқароси Ўзбекистонга тўсқинликсиз қайтиш ҳуқуқига эга

32-модда

Давлат Интернет жаҳон ахборот
тармоғидан фойдаланишни
таъминлаш учун шарт-
шароитлар яратади


33-модда



Меҳнатга ҳақ тўлашнинг энг кам
миқдори инсоннинг муносиб
турмуш даражасини таъминлаш
зарурати ҳисобга олинган
ҳолда белгиланади


42-модда






*Болалар меҳнатининг боланинг соғлигига,
хавфсизлигига, ахлоқига, ақлий ва жисмоний
ривожланишига хавф солувчи, шу жумладан унинг
таълим олишига тўсқинлик қилувчи ҳар қандай
шакллари тақиқланади*

44-модда




Қонунда белгиланган пенсиялар, нафақалар
ва бошқа турдаги ижтимоий ёрдамнинг
миқдорлари расман белгиланган энг кам истеъмол
харажатларидан оз бўлиши мумкин эмас

46-модда



Ўзбекистон Республикаси фуқаролари
тиббий ёрдамнинг кафолатланган ҳажмини
қонунда белгиланган тартибда давлат
ҳисобидан олишга ҳақли

48-модда



*Давлат фуқароларнинг экологик
ҳуқуқларини таъминлаш ва атроф-муҳитга
зарарли таъсир кўрсатилишига йўл қўймаслик
мақсадида шаҳарсозлик фаолияти соҳасида
жамоатчилик назоратини амалга ошириш учун
шарт-шароитлар яратади*

49-модда